

醫
通

卷
十
九

張氏醫通卷十五

長洲石須張

璐路王父纂述

男

以柔安世

參訂

訥遜言

目門

磁味丸 于金

治神水寬大漸散光采不收及內障

撥後醫不能消用此鎮之

磁石

能吸冬

硃砂

先以磁石置巨火中煨七次每煨必淬以醋研細
水飛澄定晒乾取淨二兩硃砂亦研細水飛晒乾
取淨一兩用生神麴末三兩與前二味和勻更以

神麴一兩水和作餅煮浮搜入煎藥爲丸如菉豆
大每服三四十丸空心米飲送下

按于金磁味丸方本指南之製而立昔黃帝征蚩
尤尤善布毒霧障蔽宇宙莫能破之因是玄女授
帝指南以定方隅而滅之於涿鹿指南之象是此
而傳於世法用神砂雄黃拌鐵入生雁脰骨空中
煅鍊而成煅過必置磁石之上蓋硃稟南方離火
之氣而中懷嬰姪磁稟北方坎水之精而外發氤
氲真匡正辟惡之靈物也用雁脰者以其生於漠
北而性必旅南得陰陽二氣之交所以入水不濡
戾天能飛用以佐磁硃而製鐵則最重之質置水

能浮隨磁吸引以爲指南之準則近世以雁脰艮
得用白雄鷄血硃砂雄黃拌鍼入活鯉魚首煨過
同磁石收貯取其準上午下子者用之與雁脰之
義不殊凡羽禽之目皆自下睇而交上睇性皆升
舉所以能飛非若手獸之目悉自上睇而交下睇
也吾嘗靜觀飛走升沉之理於茲可默識矣千金
爰悟其旨取磁味之重以鎮神水之不清而收陰
霾之障蔽用生麴者葉以發越丹石之性猶雁脰
鼓躍二氣之義也噫崇古立方之聖莫如長沙長
沙之後唐進士一人而已

皂莢丸 治外內一切瘰癧膜贅嫩不宜鍼撥者此丸

與生熟地黃丸並進

蛇蛻七條

蟬脫

元精石

穿山甲炮

當歸

白朮生

茯苓

穀精草

不賊

白菊花

刺楸皮蛤粉炒

龍膽草

赤芍

連翹各兩

獐猪瓜三十枚 蛤粉炒

人參一兩

川芎半兩

共為細末一半入牙皂十二挺燒存性和勻煉白
密丸梧子大每服一錢五分空心食前杏仁湯送
下一半入仙靈脾前雷一兩每服三錢用猪肝三
片批開夾葉煮熟臨臥細嚼用原汁送下

生熟地黃丸 治肝虛目暗腰入冰輪內外諸障

生地黃 八兩

熟地黃 十二兩

石斛 鹽水炒

牛膝 酒蒸各四兩

菊花 去蒂六兩

羌活

防風

杏仁 湯泡去皮尖

枳殼 各二兩

蜜丸梧子大每服五七十九丸以黑豆三升炒令烟盡淬好酒六升每用半盞食前送下鹽湯亦可或用生鷄肝搗爛爲丸尤妙

此卽明目地黃丸加菊花羌活其間防風杏仁枳殼與地黃牛膝同用者以其久風襲入寒水之經也若精血虧人則當去此三味易白茯苓當歸枸杞末爲不可也

夏枯草散

治肝虛目珠痛主夜疼劇

夏枯草花

一兩

香附蜜炒沒

甘草多三錢

爲散每服四錢茶清調日三服或加芽茶煎服痛

久血傷加當歸六錢白芍四錢生地黃一兩黃耆

二兩每服五錢八芽茶一撮水煎去滓服

洗肝散局方

治風毒上攻暴赤腫痛

薄荷

當歸

羌活

防風

山梔酒炒

甘草炙各一兩

大黃

酒蒸二兩

川芎

八錢

爲散每服三錢沸湯調日二三服

酒煎散

治暴露赤眼生翳

漢防已酒洗

防風

甘草炙

荆芥穗

當歸

赤芍藥

牛蒡子

甘菊去糖等分

爲散每服五六錢酒煎食後溫服

大黃當歸散

治眼壅腫瘀血凝滯不散攻脈見腎

大黃酒蒸

黃芩酒炒各一兩

紅花二錢

蘇木屑

當歸

梔子酒炒

木賊各五錢

爲散每服四五錢水煎食後服

瀉肺湯治暴風客熱外障白睛腫脹

羌活

黑參

黃芩各一錢

地骨皮

桑白皮

大黃 酒蒸

芒硝

甘草

水煎去滓半饑溫服世本無桑皮多枯便

蜜蒙花散局方 治皆淚昏暗

蜜蒙花塞鼻即愈者真 甘菊花去

白蒺藜

白芍藥局方 羌活

石決明

木賊去節 甘草炙各半兩

為散每服二三錢茶清調服準 無

還睛圓局方 治男子風毒上攻眼目赤腫怕

日羞明多僂膠淚難開 眵痒赤痛臉紫紅爛

痰肉侵睛或患暴赤眼睛疼不可忍者併服立効

白朮生

兔絲子酒浸別研

白茯苓炒去

木賊去節

羌活去苗

青箱子去土

蜜蒙花

防風去蘆

甘草炙各等分

右為末煉蜜九如彈子大每服一丸細嚼白湯下
日三服又治偏正頭風頭目眩暈

石膏散 治頭風患眼

生石膏三兩

藁本

白朮生

甘草炙各半

白茯苓炒去刺一兩

為散每服四五錢熱茶清調空腹臨臥各一服

通肝散 治輾轉關隘硬睛疼風熱腎障

梔子炒黑

白茯苓炒去刺各一兩 羌活二兩

荆芥穗

當歸

牛蒡子炒研

甘草炙各一兩二錢

為散每服三錢食後竹葉湯調服世本無羌活當

絳雪膏即實鑑治昏暗癢痛隱澁難開眵淚生翳

爐甘石四兩銀罐內固濟煨水飛頭將過黃連

半盞將甘石一兩當歸五錢河水煎汁去滓入童便

內以汁盡為度置地上宿去火氣收貯待用

明乳香煨存性研烏賊骨燒存性研白丁香直者各一錢半

麝香輕粉各五分

煉白蜜四兩先下製淨爐甘石末一兩不住手攪

次下後七味攪至紫金色不粘手為度捻作挺子

每用少許新水磨化時時點之忌酒醋蕎麥

又方

用爐甘石一兩煨赤以羊膽汁青魚膽汁葶藶汁梨汁人乳白蜜等分相和淬之再煨再淬
盡為度八冰片麝香青鹽礪砂過各二分研勻
每用小許井花水調點兩背

石燕丹一點外障諸醫

爐甘石四兩用黃連一兩歸身木賊羌活麻黃各五錢河水二升童便一升同煮去滓

製法如絳雪膏取淨一兩礪砂水飛各取石燕石燕

琥珀珠砂鷹屎白無白丁

香代冰片麝香各分

右為極細末每用少許點大眇如枯澁無淚加熊膽一分白蜜少許血腎加真阿魏黃腎加雞內金風熱腎加麝仁熱腎加珍珠牛黃冷腎加附子尖雄黃老腎倍礞砂加豬脰子

助陽和血湯 治氣血不和痛如鍼刺

黃耆錢生三

當歸

甘草炙

防風錢各一

白芷

蔓荊子

升麻錢六

柴胡八分

水煎食後服趙以德加赤芍藥七分

白蒺藜散 治肝腎虛熱生風赤澀多淚

白蒺藜炒去

菊花

蔓荊子

草決明

甘草炙

連翹等分

青箱子減半

為散每服三四錢水煎去滓熱服

羌活勝風湯 治日疾一切風熱未證

羌活錢半 白朮一錢

川芎

桔梗 枳殼 荆芥

柴胡 前胡 黃芩各八分

白芷六分 防風五分 細辛二分

薄荷二分 甘草炙四分

水煎食後熱服世本無細辛有獨活

瀉肝散 治肝熱目赤腫痛一切裏證

梔子仁

荊芥

大黃

甘草等分

爲散每服四五錢水煎熱服

此治肝熱不用赤芍膽草當歸反用梔子清肝則
血熱疼痛何能使退詳此四味治白睛赤痛則可
治風輪赤痛則不可

赤雪膏

治風熱生翳

梔仁

去皮研細紙包壓去
油再研再壓數次

右取淨梔仁五錢入龍膽五分煉白蜜一錢五分

再研勻磁罐收貯每用少許箸頭點大眦

梔仁膏

治風熱眼生赤脈癢痛無定

麩仁土皮研極細壓土油

右取淨麩仁霜五錢濃煎秦皮汁調和隔紙瓦上焙熟有焦者去之塗淨碗肉以艾一錢分作三團每團中置蜀椒一粒燒烟起時將碗覆烟上三角點起薰之烟盡晒乾再研入硃砂麝香各半錢磁罐收貯每用麻子大點大背日二度如點老腎加礪砂少許○一力但用麩仁研壓去油淨五錢麝香硃砂水飛各五分每用少許點大背効

琥珀雪散 治外障攀睛眵淚稠粘

鷺不食草一虛喫之即定者真

青黛

川芎各半兩

為散先噙水蒲口每用菜豆許倚鼻內以嚏淚為
効摘無時○一方加北細辛牙皂末各一錢

宣明丸 治瘀血癰疔赤腫瀉痛

赤芍

當歸

大黃

酒蒸

黃芩

各二兩

生地黃

三兩

黃連

川芎

薄荷

各一兩

蜜丸梧子大每服五十丸食後米飲服

羌活除腎湯

治太陽腎膜遮睛

麻黃根

薄荷

各五分

生地黃

酒浸一錢

當歸

川芎

黃檗

酒炒

知母

荆芥

各六分

藜蘆

七分